

宋诗三百首



清朱孝臧輯

宋詞三百首

間字署



中 申 堂  
薛 宗 禮  
堂 校 刊

序

詞學極盛於兩宋讀宋人詞當於體格神致間求之而體格尤重於神致以渾成之一境爲學人必赴之程境更有進於渾成者要非可躡而至此關係學力者也神致由性靈出卽體格之至美積發而爲清暉芳氣而不可掩者也近世以小慧側豔爲詞致斯道爲之不尊往往塗抹半生未窺宋賢門徑何論堂奧未聞有人焉以神明與古會而抉擇其至精爲來學周行之示也彊邨先生嘗選宋詞三百首爲小阮逸馨誦習之資大要求之體格神致以渾成爲主旨夫渾成未遽詣極也能循塗守轍於三百首之中必能取精用闕於三百首之外益神明變化於詞外求之則夫體格神致間尤有無

形之訢合自然之妙造即更進於渾成要亦未為止境夫無  
止境之學可不有以端其始基乎則疆邨茲選倚聲者宜人  
置一編矣中元甲子燕九日臨桂況周頤

...

...

...

...

...

...

...

...

宋詞三百首目錄

卷之

徽宗皇帝一首

錢惟演一首

范仲淹三首

張先七首

晏殊十一首

韓縝一首

宋祁一首

歐陽修十一首

聶冠卿一首

柳永十三首

王安石二首

王安國一首

晏幾道十八首

蘇軾十二首

黃庭堅二首

秦觀九首

晁元禮一首

趙令時三首

張耒 一首

晁補之 四首

晁冲之 一首

舒亶 一首

朱服 一首

毛滂 一首

陳克 一首

李元膺 一首

時彥 一首

李之儀 二首

周邦彥 二十三首

賀鑄 十一首

張元幹 二首

葉夢得 二首

汪藻 一首

劉一止 一首

韓偓 一首

李邴 一首

陳與義 二首

蔡伸 二首

卷之二



周紫芝 二一首

李甲 一一首

万俟詠 一一首

徐伸 一一首

田為 一一首

曹組 一一首

李玉 一一首

廖世美 一一首

呂濱老 一一首

查莖 一一首

魯逸仲 一一首

岳飛 一一首

張掄 一一首

程垓 一一首

張孝祥 一一首

韓元吉 一一首

袁去華 三一首

陸淞 一一首

陸游 三一首

陳亮 一一首

范成大 三一首

蔡幼學 一一首

辛棄疾 十首

姜夔 十六首

章良能 一首

劉過 一首

嚴仁 一首

俞國寶 一首

張鎡 二首

史達祖 九首

劉克莊 四首

盧祖皋 二首

潘牣 一首

陸叡 一首

蕭泰來 一首

吳文英 二十四首

黃孝邁 一首

潘希白 一首

黃公紹 一首

朱嗣發 一首

劉辰翁 四首

周密 四首

蔣捷 二首

張炎 五首

王沂孫 五首

彭元遜 一首

姚雲文 一首

僧揮 一首

李清照 七首

李商隱  
詩一首

謝靈運  
詩一首

王維  
詩一首

謝靈運  
詩一首

王維  
詩一首

宋詞三百首卷之一

上疆邨民編

徽宗皇帝

宴山亭

北行見杏花

裁翦冰綃輕疊數重淡著燕脂勻注新樣靚妝豔溢香融羞  
殺蕊珠宮女易得凋零更多多少無情風雨愁苦闌院落淒涼  
幾番春暮憑寄離恨重重者雙燕何曾會人言語天遙地  
遠萬水千山知他故宮何處怎不思量除夢裏有時曾去無  
據和夢也新來不做

錢惟演

木蘭花

城上風光鶯語亂，城下煙波春拍岸。綠楊芳草幾時休，淚眼  
愁腸先已斷。情懷漸覺成衰晚，鸞鏡朱顏驚暗換。昔年多  
病厭芳尊，今日芳尊惟恐淺。

范仲淹

漁家傲

塞下秋來風景異，衡陽雁去無留意。四面邊聲連角起，千嶂  
裏長煙落日，孤城閉。濁酒一杯家萬里，燕然未勒歸無計。  
羌管悠悠霜滿地，人不寐，將軍白髮征夫淚。

蘇幕遮

碧雲天，黃花地，秋色連波，波上寒煙翠。山映斜陽天接水，芳  
草無情，更在斜陽外。黯鄉魂，追旅思，夜夜除非，好夢留人

睡明月樓高休獨倚酒入愁腸化作相思淚  
紛紛墜葉飄香砌夜寂靜寒聲碎眞珠簾捲玉樓空天淡銀  
河垂地年年今夜月華如練長是人千里 愁腸已斷無由  
醉酒未到先成淚殘燈明滅枕頭敲諸盡孤眠滋味都來此  
事眉間心上無計相迴避

張先

千秋歲  
數聲鶉鴉又報芳菲歇惜春更選殘紅折雨輕風色暴梅子  
青時節永豐柳無人盡日花飛雪 莫把幺絃撥怨極絃能  
說天不老情難絕心似雙絲網中有千千結夜過也東窗未

白孤燈滅

菩薩蠻

哀箏一弄湘江曲  
聲聲寫盡湘波綠  
纖指十三絳  
細將幽恨傳  
當筵秋水慢  
玉柱斜飛雁  
彈到斷腸時  
春山眉黛低

醉垂鞭

雙蝶繡羅裙  
東池宴初相見  
朱粉不深勻  
閒花淡淡春  
細看諸處好  
人人道  
柳腰身  
昨日亂山昏  
來時衣上雲  
傷高懷遠  
幾時窮  
無物似情濃  
離愁正引千絲亂  
更東陌飛絮濛濛  
嘶騎漸遙  
征塵不斷  
何處認郎蹤  
雙鴛池沼水  
溶溶  
溶南北  
小橈通梯橫  
畫閣黃昏後  
又還是斜月  
簾蘂沈恨細



思不如桃杏猶解嫁東風

天仙子

水調數聲持酒聽  
午醉醒來愁未醒  
送春春去幾時回  
臨晚鏡傷流景  
往事後期空記省  
沙上並禽池上暝  
雲破月來花弄影  
重重簾幕密遮燈  
風不定人初靜  
明日落紅應滿徑

青門引

乍暖還輕冷  
風雨晚來方定  
庭軒寂寞近清明  
殘花中酒又  
是去年病  
樓頭畫角風吹醒  
入夜重門靜  
那堪更被明月  
隔牆送過鞦韆影

生查子

含羞整翠鬟  
得意頻相顧  
雁柱十三絃  
一一春鶯語  
嬌雲

容易飛夢斷知何處深院鎖黃昏陣陣芭蕉雨

晏殊

浣溪沙

一曲新詞酒一杯去年天氣舊池臺夕陽西下幾時回  
無  
可奈何花落去似曾相識燕歸來小園香徑獨徘徊

浣溪沙

一向年光有限身等閒離別易消魂酒筵歌席莫辭頻  
滿  
目山河空念遠落花風雨更傷春不如憐取眼前人

清平樂

紅牋小字說盡平生意鴻雁在雲魚在水惆悵此情難寄  
斜陽獨倚西樓遙山恰對簾鉤人面不知何處綠波依舊東

流

清平樂

金風細細葉葉梧桐墜  
綠酒初嘗人易醉  
一枕小窗濃睡  
紫薇朱槿花殘  
斜陽卻照闌干  
雙燕欲歸時  
節銀屏昨夜微寒

木蘭花

燕鴻過後鶯歸去  
細算浮生千萬緒  
長於春夢幾多時  
散似秋雲無覓處  
聞琴解佩神仙侶  
挽斷羅衣留不住  
勸君莫作獨醒人  
爛醉花間應有數

木蘭花

池塘水綠風微暖  
記得玉真初見面  
重頭歌韻響琤琮  
入破

舞腰紅亂旋 玉鉤闌下香階畔醉後不知斜日晚當時共  
我賞花人點檢如今無一半

木蘭花

綠楊芳草長亭路年少拋人容易去樓頭殘夢五更鐘花底  
離愁三月雨 無情不似多情苦一寸還成千萬縷天涯地  
角有窮時只有相思無盡處

踏莎行

祖席離歌長亭別宴香塵已隔猶回面居人匹馬映林嘶行  
人去棹依波轉 畫閣魂消高樓目斷斜陽只送平波遠無  
窮無盡是離愁天涯地角尋思徧

踏莎行

小徑紅稀芳郊綠徧高臺樹色陰陰見春風不解禁楊花濛  
濛亂撲行人面 翠葉藏鶯朱簾隔燕鑪香靜逐游絲轉一  
場愁夢酒醒時斜陽卻照深深院

踏莎行

碧海無波瑤臺有路思量便合雙飛去當時輕別意中人山  
長水遠知何處 綺席凝塵香閨掩霧紅牋小字憑誰附高  
樓日盡欲黃昏梧桐葉上瀟瀟雨

蝶戀花

六曲闌干偎碧樹楊柳風輕展盡黃金縷誰把鈿箏移玉柱  
穿簾海燕雙飛去 滿眼游絲兼落絮紅杏開時一霎清明  
雨濃睡覺來鶯亂語驚殘好夢無尋處

韓 縝

鳳簫吟

鎖離愁連絲無際來時陌上初熏繡幃人念遠暗垂珠露泣  
送征輪長行長在眼更重重遠水孤雲但望極樓高盡日  
斷王孫 消魂池塘別後曾行處綠如輕裙恁時攜素手亂  
花飛絮裏緩步香茵朱顏空自改向年年芳意長新徧綠野  
嬉游醉眼莫負青春

宋 祁

木蘭花

東城漸覺風光好皺縠波紋迎客棹綠楊煙外曉雲輕紅杏  
枝頭春意鬧 浮生長恨歡娛少肯愛千金輕一笑爲君持

酒勸斜陽且向花間留晚照

歐陽修

采桑子

羣芳過後西湖好  
狼藉殘紅飛絮濛濛  
垂柳闌干盡日風  
笙歌散盡游人去  
始覺春空垂下簾  
蘂雙燕歸來細雨中

訴衷情

清晨簾幕捲輕霜  
呵手試梅妝  
都緣自有離恨  
故畫作遠山長  
思往事  
惜流芳  
易成傷  
擬歌先歛欲笑還顰  
最斷人腸

踏莎行

候館梅殘  
溪橋柳細  
草薰風暖  
搖征轡  
離愁漸遠  
漸無窮  
迢迢不斷如春水  
寸寸柔腸  
盈盈粉淚  
樓高莫近危闌倚  
平

蕪盡處是春山行人更在春山外

蝶戀花

庭院深深深深幾許楊柳堆煙簾幕無重數玉勒雕鞍游冶處  
樓高不見章臺路 雨橫風狂三月暮門掩黃昏無計留春  
住淚眼問花花不語亂紅飛過鞦韆去

蝶戀花

誰道閒情拋棄久每到春來惆悵還依舊日日花前常病酒  
不辭鏡裏朱顏瘦 河畔青蕪隄上柳為問新愁何事年年  
有獨立小橋風滿袖平林新月人歸後

蝶戀花

幾日行雲何處去忘了歸來不道春將暮百草千花寒食路



香車繫在誰家樹  
淚眼倚樓頻  
獨語雙燕來時陌上相逢  
否撩亂春愁如柳絮  
依依夢裏無尋處

木蘭花

別後不知君遠近  
觸目淒涼多少悶  
漸行漸遠漸無書  
水闊魚沈何處問  
夜深風竹敲秋韻  
萬葉千聲皆是恨  
故敲單枕夢中尋  
夢又不成燈又燼

臨江仙

柳外輕雷池上雨  
雨聲滴碎荷聲  
小樓西角斷虹明  
闌干倚處待得月華生  
燕子飛來窺畫棟  
玉鉤垂下簾旌  
涼波不動簟紋平  
水精雙枕旁有墮釵橫

浣溪沙

隄上游人逐畫船拍隄春水四垂天綠楊樓外出鞦韆  
白  
髮戴花君莫笑六幺催拍棹頻傳人生何處似尊前

浪淘沙

把酒祝東風且共從容垂楊紫陌洛城東總是當時攜手處  
游徧芳叢聚散苦怱怱此恨無窮今年花勝去年紅可惜  
明年花更好知與誰同

青玉案

一年春事都來幾早過了三之二綠暗紅嫣渾可事綠楊庭  
院暖風簾幕有箇人憔悴買花載酒長安市又爭似家山  
見桃李不枉東風吹客淚相思難表夢魂無據惟有歸來是

聶冠卿

多麗

想人生美景良辰堪惜向其閒賞心樂事古來難是并得況  
東城鳳臺沁苑泛晴波淺照金碧露洗華桐煙霏絲柳綠陰  
搖曳蕩春色畫堂迴玉簪瓊佩高會盡詞客清歌久重然絳  
蠟別就瑤席有翩若驚鴻體態暮爲行雨標格逞朱脣緩  
歌妖麗似聽流鶯亂花隔慢舞縈回嬌鬟低鞦腰肢纖細困  
無力忍分散彩雲歸後何處更尋覓休辭醉明月好花莫慢  
輕擲

柳永

曲玉管

隴首雲飛江邊日晚煙波滿目憑闌久一望關河蕭索千里

清秋忍凝眸  
杳杳神京盈盈仙子別來錦字終難偶斷雁  
無憑冉冉飛下汀洲思悠悠  
暗想當初有多少幽歡佳會  
豈知聚散難期翻成雨恨雲愁阻追游每登山臨水惹起平  
生心事一場消黯永日無言卻下層樓

雨霖鈴

寒蟬淒切對長亭晚驟雨初歇都門帳飲無緒留戀處蘭舟  
催發執手相看淚眼竟無語凝噎念去去千里煙波暮靄沈  
沈楚天闊  
多情自古傷離別更那堪冷落清秋節今宵酒  
醒何處楊柳岸曉風殘月此去經年應是良辰好景虛設便  
縱有千種風情更與何人說

蝶戀花

竚倚危樓風細細望極春愁黯黯生天際草色煙光殘照裏  
無言誰會憑闌意擬把疏狂圖一醉對酒當歌強樂還無  
味衣帶漸寬終不悔爲伊消得人憔悴

采蓮令

月華收雲淡霜天曙西征客此時情苦翠娥執手送臨歧軋  
軋開朱戶千嬌面盈盈竚立無言有淚斷腸爭忍回顧一  
葉蘭舟便恁急槳凌波去貪行色豈知離緒萬般方寸但飲  
恨脈脈同誰語更回首重城不見寒江天外隱隱兩三煙樹  
浪淘沙慢

夢覺透窗風一線寒燈吹息那堪酒醒又聞空階夜雨頻滴  
嗟因循久作天涯客負佳人幾許盟言便忍把從前歡會陡

頓翻成憂戚 愁極再三追思洞房深處幾度飲散歌闌香  
暖鴛鴦被豈暫時疏散費伊心力殢雲尤雨有萬般千種相  
憐相惜 恰到如今天長漏永無端自家疏隔知何時卻擁  
秦雲態願低幃昵枕輕輕細說與江鄉夜夜數寒更思憶

定風波

自春來慘綠愁紅芳心是事可日上花梢鶯穿柳帶猶壓  
香衾卧暖酥消膩雲殢終日厭厭倦梳裏無那恨薄情一去  
音書無箇 早知恁麼悔當初不把雕鞍鎖向雞窗只與蠻  
牋象管拘束教吟課鎮相隨莫拋躲針線閒拈伴伊坐和我  
免使年少光陰虛過

少年游

長安古道馬遲遲  
高柳亂蟬嘶  
夕陽鳥外秋風原上目  
斷四天垂  
歸雲一去無蹤迹  
何處是前期  
狎興生疏酒徒蕭索  
不似去年時

戚氏

晚秋天一霎微雨灑庭軒  
檻菊蕭疏井梧零亂惹殘煙  
淒然望江關  
飛雲黯淡夕陽間  
當時宋玉悲感  
向此臨水與登山  
遠道迢遞行人  
淒楚倦聽隴水潺湲  
正蟬吟敗葉  
蛩響衰草相應喧喧  
孤館度日如年  
風露漸變悄悄至  
更闌長天淨絳河清淺  
皓月嬋娟思絲絲  
夜永對景那堪  
屈指暗想從前未名未祿  
綺陌紅樓往往經歲遷延  
帝里風光好  
當年少日暮宴朝歡  
況有狂朋怪侶  
遇當歌對酒競留連  
別來迅景

如梭舊游似夢煙水程何限念利名憔悴長縈絆追往事空  
慘愁顏漏箭移稍覺輕寒漸嗚咽畫角數聲殘對闌窗畔停  
燈向曉抱影無眠

夜半樂

凍雲黯淡天氣扁舟一葉乘興離江渚度萬壑千巖越溪深  
處怒濤漸息樵風乍起更聞商旅相呼片帆高舉泛畫鷁翩  
翩過南浦望中酒旆閃閃一簇煙郵數行霜樹殘日下漁  
人鳴榔歸去敗荷零落衰楊掩映岸邊兩兩三三浣紗游女  
避行客含羞笑相語到此因念繡閣輕拋浪萍難駐歎後  
約丁甯竟何據慘離懷空恨歲晚歸期阻凝淚眼杳杳神京  
路斷鴻聲遠長天暮



玉胡蝶

望處雨收雲斷憑闌悄悄目送秋光晚景蕭疏堪動宋玉悲  
涼水風輕蘋花漸老月露冷梧葉飄黃遣情傷故人何在煙  
水茫茫難忘文期酒會幾孤風月屢變星霜海闌山遙未  
知何處是瀟湘念雙燕難憑音信指暮天空識歸航黯相望  
斷鴻聲裏立盡斜陽

八聲甘州

對瀟瀟暮雨灑江天一番洗清秋漸霜風淒緊關河冷落殘  
照當樓是處紅衰翠減冉冉物華休惟有長江水無語東流  
不忍登高臨遠望故鄉渺邈歸思難收歎年來蹤迹何事  
苦淹留想佳人妝樓凝望誤幾回天際識歸舟爭知我倚闌

干處正恁凝愁

迷神引

一葉扁舟輕帆捲暫泊楚江南岸孤城暮角引胡笳怨水茫  
茫平沙雁旋驚散煙斂寒林簇畫屏展天際遙山小黛眉淺  
舊賞輕拋到此成游宦覺客程勞年光晚異鄉風物忍蕭  
索當愁眼帝城賒秦樓阻旅魂亂芳草連空闌殘照滿佳人  
無消息斷雲遠

竹馬子

登孤壘荒涼危亭曠望靜臨煙渚對雌霓挂雨雄風拂檻微  
收殘暑漸覺一葉驚秋殘蟬噪晚素商時序覽景想前歡指  
神京非霧非煙深處 向此成追感新愁易積故人難聚憑

高盡日凝竚贏得消魂無語極目霽靄霏微暝鴉零亂蕭索  
江城暮南樓畫角又送殘陽去

王安石

桂枝香

登臨送目正故國晚秋天氣初肅千里澄江似練翠峰如簇  
歸帆去棹斜陽裏背西風酒旗斜矗彩舟雲淡星河鷺起畫  
圖難足念往昔繁華競逐歎門外樓頭悲恨相續千古憑  
高對此漫嗟榮辱六朝舊事如流水但寒煙衰草凝綠至今  
商女時時猶唱後庭遺曲

千秋歲引

別館寒砧孤城畫角一派秋聲入寥廓東歸燕從海上去南

來雁向沙頭落楚臺風庾樓月宛如昨  
無奈被些名利縛  
無奈被他情擔閣可惜風流總閒卻當初漫留華表語而今  
誤我秦樓約夢闌時酒醒後思量著

王安國

清平樂

留春不住費盡鶯兒語滿地殘紅宮錦汙昨夜南園風雨  
小憐初上琵琶曉來思繞天涯不肯畫堂朱戶春風自在楊  
花

晏幾道

臨江仙

夢後樓臺高鎖酒醒簾幕低垂去年春恨卻來時落花人獨

立微雨燕雙飛  
記得小蘋初見兩重心字羅衣琵琶絃上  
說相思當時明月在曾照彩雲歸

蝶戀花

夢入江南煙水路行盡江南不與離人遇  
睡裏消魂無說處  
覺來惆悵消魂誤  
欲盡此情書尺素浮雁沈魚終了無憑  
據卻倚緩絃歌別緒斷腸移破秦箏柱

蝶戀花

醉別西樓醒不記春夢秋雲聚散真容易  
斜月半窗還少睡  
畫屏閒展吳山翠  
吳衣上酒痕詩裏字  
點點行行總是淒涼  
意紅燭白燐無好計  
夜寒空替人垂淚

鷓鴣天

彩袖殷勤捧玉鍾當年拚卻醉顏紅舞低楊柳樓心月歌盡  
桃花扇底風從別後憶相逢幾回魂夢與君同今宵賸把  
銀釭照猶恐相逢是夢中

鷓鴣天

醉拍春衫惜舊香天將離恨惱疏狂年年陌上生秋草日日  
樓中到夕陽雲渺渺水茫茫征人歸路許多長相思本是  
無憑語莫向花牋費淚行

生查子

金鞍美少年去躍青驄馬牽繫玉樓人繡被春寒夜消息  
未歸來寒食梨花謝無處說相思背面鞦韆下

生查子

關山魂夢長塞雁音書少兩鬢可憐青只爲相思老  
歸傍碧紗窗說與人人道眞箇別離難不似相逢好

木蘭花

東風又作無情計豔粉嬌紅吹滿地碧樓簾影不遮愁還似  
去年今日意誰知錯管春殘事到處登臨曾費淚此時金  
錢直須深看盡落花能幾醉

木蘭花

鞦韆院落重簾暮彩筆閒來題繡戶牆頭丹杏雨餘花門外  
綠楊風後絮朝雲信斷知何處應作襄王春夢去紫騮認  
得舊游蹤嘶過畫橋東畔路

清平樂

留人不住醉解蘭舟去一棹碧濤春水路過盡曉鶯啼處  
渡頭楊柳青青枝枝葉葉離情此後錦書休寄畫樓雲雨無  
憑

阮郎歸

舊香殘粉似當初人情恨不如一春猶有數行書秋來書更  
疏  
衾鳳冷枕鴛孤愁腸待酒舒夢魂縱有也成虛那堪和  
夢無

阮郎歸

天邊金掌露成霜雲隨雁字長綠杯紅袖趁重陽人情似故  
鄉  
蘭佩紫菊簪黃殷勤理舊狂欲將沈醉換悲涼清歌莫  
斷腸



六么令

綠陰春盡飛絮繞香閣晚來翠眉宮樣巧把遠山學一寸狂  
心未說已向橫波覺畫簾遮而新翻曲妙暗許閒人帶偷招  
前度書多隱語意淺愁難答昨夜詩有回紋韻險還慵押  
都待笙歌散了記取來時霎不消紅蠟閒雲歸後月在庭花  
舊闌角

御街行

街南綠樹春饒絮雪滿游春路樹頭花豔雜嬌雲樹底人家  
朱戶北樓闌上疏簾高捲直見街南樹闌干倚盡猶慵去  
幾度黃昏雨晚春盤馬踏青苔曾傍綠陰深駐落花猶在香  
屏空掩人面知何處

吳夢窗虞美人

曲闌干外天如水昨夜還曾倚初將明月比佳期長向月圓時候望人歸  
羅衣著破前香在舊意誰教改一春離恨懶  
調絃猶有兩行閒淚寶箏前

留春令

畫屏天畔夢回依約十洲雲水手撚紅牋寄人書寫無限傷春事  
別浦高樓曾漫倚對江南千里樓下分流水聲中有  
當日憑高淚

思遠人

紅葉黃花秋意晚千里念行客飛雲過盡歸鴻無信何處寄書得  
淚彈不盡臨窗滴就硯旋研墨漸寫到別來此情深

處紅殘爲無色

滿庭芳

南苑吹花西樓題葉故園歡事重重憑闌秋思閒記舊相逢  
幾處歌雲夢雨可憐便流水西東別來久淺情未有錦字繫  
征鴻年光還少味開殘檻菊落盡溪桐漫留得尊前淡月  
淒風此恨誰堪共說清愁付綠酒杯中佳期在歸時待把香  
袖看啼紅

蘇軾

水調歌頭

丙辰中秋歡飲達旦作此篇兼懷子由

明月幾時有把酒問青天不知天上宮闕今夕是何年我欲  
乘風歸去惟恐瓊樓玉宇高處不勝寒起舞弄清影何似在

人間轉朱閣低綺戶照無眠不應有恨何事長向別時圓  
人有悲歡離合月有陰晴圓缺此事古難全但願人長久千  
里共嬋娟

水龍吟

次韻章質夫楊花詞

似花還似非花也無人惜從教墜拋家傍路思量卻是無情  
有思縈損柔腸困酣嬌眼欲開還閉夢隨風萬里尋郎去處  
又還被鶯呼起不恨此花飛盡恨西園落紅難綴曉來雨  
過遺蹤何在一池萍碎春色三分二分塵土一分流水細看  
來不是楊花點點是離人淚

念奴嬌

赤壁懷古

大江東去浪淘盡千古風流人物故壘西邊人道是三國周

郎赤壁亂石崩雲驚濤裂岸捲起千堆雪江山如畫一時多  
少豪傑遙想公瑾當年小喬初嫁了雄姿英發羽扇綸巾  
談笑間強虜灰飛煙滅故國神游多情應笑我早生華髮人  
間如夢一尊還酹江月

永遇樂

彭州

夜宿燕子樓夢盼盼因作此詞

明月如霜好風如水清景無限曲港跳魚圓荷瀉露寂寞無  
人見統如三鼓鏗然一葉黯黯夢雲驚斷夜茫茫重尋無處  
覺來小園行徧涯倦客山中歸路望斷故園心眼燕子  
樓空佳人何在空樓中燕古今如夢何曾夢覺但有舊歡  
新怨異時對黃樓夜月為余浩歎

洞仙歌

余七歲時見眉州老尼姓朱忘其名年九十  
歲自言嘗隨其師入蜀主孟昶宮中一日大

熱蜀主與花蕊夫人夜納涼摩訶池上作一詞朱具能記之今四十年朱已死久矣人無知此詞者但記其首兩句暇日尋味豈洞仙歌令乎乃爲足之云

冰肌玉骨白清涼無汗水殿風來暗香滿繡簾開一點明月  
窺人人未寢敲枕釵橫鬢亂起來攜素手庭戶無聲時見  
疏星度河漢試問夜如何夜已三更金波淡玉繩低轉但屈指  
西風幾時來又不道流年暗中偷換

卜算子

黃州定惠院寓居作

缺月挂疏桐漏斷人初靜誰見幽人獨往來縹緲孤鴻影  
驚起卻回頭有恨無人省揀盡寒枝不肯棲寂寞沙洲冷

青玉案

送伯固歸吳中

三年枕上吳中路遣黃犬隨君去若到松江呼小渡莫驚鴛

鷺四橋盡是老子經行處  
輞川圖上看春暮常記高人右  
丞句作箇歸期天定許春衫猶是小蠻針線會溼西湖雨

臨江仙

夜飲東坡醒復醉歸來彷彿三更家童鼻息已雷鳴敲門都  
不應倚杖聽江聲  
長恨此身非我有何時忘卻營營夜闌  
風靜縠紋平小舟從此逝江海寄餘生

定風波

三月三日沙湖道中遇雨雨具先去同行皆  
狼狽余不覺已而遂晴故作此

莫聽穿林打葉聲何妨吟嘯且徐行竹杖芒屨輕勝馬誰怕  
一蓑煙雨任平生  
料峭春風吹酒醒微冷山頭斜照卻相  
迎回首向來蕭瑟處歸去也無風雨也無情

江城子

乙卯正月二十日夜記夢

十年生死兩茫茫不思量自難忘千里孤墳無處話淒涼縱  
使相逢應不識塵滿面鬢如霜夜來幽夢忽還鄉小軒窗  
正梳妝相顧無言惟有淚千行料得年年腸斷處明月夜短

松岡

木蘭花

次歐公西湖韻

霜餘已失長淮闊空聽潺潺清潁歇佳人猶唱醉翁詞四十  
三年如電抹草頭秋露如珠滑三五盈盈還二八與余同  
是識翁人惟有西湖波底月

賀新郎

乳燕飛華屋悄無人槐陰轉午晚涼新浴手弄生綃白團扇  
扇手一時似玉漸困倚孤眠清熟簾外誰來推繡戶枉教人



夢斷瑤臺曲又卻是風敲竹  
石榴半吐紅巾蹙待浮花浪  
蕊都盡伴君幽獨穠豔一  
枝細看取芳心千重似束  
又恐被西風驚綠若待得  
君來向此花前對酒不忍  
觸共粉淚兩簌

### 黃庭堅

鷓鴣天

坐中有眉山隱客史應之和前韻卽席答之

黃菊枝頭生曉寒人生莫放酒杯乾  
風前橫笛斜吹雨醉裏簪花倒著冠  
身健在且加餐舞裙歌板盡情歡  
黃花白髮相牽挽付與時人冷眼看

定風波

次高左藏伎君韻

萬里黔中一漏天屋居終日似乘船  
及至重陽天也霽催醉

鬼門關近蜀江前  
莫笑老翁猶氣岸  
君看幾人白髮上華  
顛戲馬臺前  
追兩謝馳射風情  
猶拍古人肩

秦觀

望海潮

梅英疏淡冰漸溶洩東風暗換年華  
金谷俊游銅駝巷陌新晴細履平沙  
長記誤隨車正絮翻蝶舞芳思交加  
柳下桃蹊亂分春色到人家  
西園夜飲鳴笳有華燈礙月飛蓋妨花  
蘭苑未空行人漸老重來是事堪嗟  
煙暝酒旗斜但倚樓極目時見棲鴉  
無奈歸心暗隨流水到天涯

八六子

倚危亭恨如芳草萋萋剗盡還生  
念柳外青驄別後水邊紅

袂分時愴然暗驚 無端天與娉婷夜月一簾幽夢春風十  
里柔情怎奈向歡娛漸隨流水素絃聲斷翠綃香減那堪片  
片飛花弄晚濛濛殘雨籠晴正消凝黃鸝又啼數聲

滿庭芳

山抹微雲天黏衰草畫角聲斷譙門暫停征棹聊共引離尊  
多少蓬萊舊事空回首煙靄紛紛斜陽外寒鴉萬點流水繞  
孤邨 消魂當此際香囊暗解羅帶輕分漫贏得青樓薄倖  
名存此去何時見也襟袖上空惹啼痕傷情處高城望斷燈  
火已黃昏

滿庭芳

晚色雲開春隨人意驟雨纔過還晴古臺芳榭飛燕蹴紅英

舞困榆錢自落鞦韆外綠水橋平東風裏朱門映柳低按小  
秦箏 多情行樂處珠鈿翠蓋玉轡紅纓漸酒空金盞花困  
蓬瀛豆蔻梢頭舊恨十年夢屈指堪驚憑闌久疏煙淡日寂  
寞下蕪城

減字木蘭花

天涯舊恨獨自淒涼人不問欲見回腸斷盡金鑪小篆香  
黛蛾長斂任是春風吹不展困倚危樓過盡飛鴻字字愁

踏莎行

霧失樓臺月迷津渡桃源望斷無尋處可堪孤館閉春寒杜  
鵑聲裏斜陽暮 驛寄梅花魚傳尺素砌成此恨無重數柳  
江幸自繞郴山爲誰流下瀟湘去

浣溪沙

漠漠輕寒上小樓，曉陰無賴似窮秋。  
淡煙流水畫屏幽。自在飛花輕似夢，  
無邊絲雨細如愁。寶簾閒挂小銀鉤。

阮郎歸

湘天風雨破寒初，深沈庭院虛。  
麗譙吹罷小單于，迢迢清夜徂。  
鄉夢斷，旅魂孤，崢嶸歲又除。  
衡陽猶有雁傳書，郴陽和雁無。

鷓鴣天

枝上流鶯和淚聞，新啼痕間舊啼痕。  
一春魚鳥無消息，千里關山勞夢魂。  
無一語對芳尊，安排腸斷到黃昏。  
甫能炙得燈兒了，雨打梨花深閉門。

晁元禮

綠頭鴨

晚雲收淡天一月琉璃爛銀盤來從海底皓色千里澄輝瑩  
無塵素娥淡沲靜可數丹桂參差玉露初零金風未凜一年  
無似此佳時露坐久疏螢時度烏鵲正南飛瑤臺冷闌干凭  
暖欲下遲遲念佳人音塵別後對此應解相思最關情漏  
聲正永暗斷腸花影偷移料得來宵清光未減陰晴天氣又  
爭知共凝戀如今別後還是隔年期人強健清尊素影長願  
相隨

趙令時

蝶戀花

欲減羅衣寒未去不捲珠簾人在深深處紅杏枝頭花幾許  
啼痕止恨清明雨盡日沈煙香一縷宿酒醒遲惱破春情  
緒飛燕又將歸信誤小屏風上西江路

蝶戀花

捲絮風頭寒欲盡墜粉飄香日日紅成陣新酒又添殘酒困  
今春不減前春恨蝶去鶯飛無處問隔水高樓望斷雙魚  
信惱亂橫波秋一寸斜陽只與黃昏近

清平樂

春風依舊著意隋隄柳搓得鵝兒黃欲就天氣清明時候  
去年紫陌青門今宵雨魄雲魂斷送一生憔悴只消幾箇黃

昏

張耒

風流子

亭皋木葉下重陽近又是擣衣秋奈愁入庾腸老侵潘鬢漫  
簪黃菊花也應羞楚天晚白蘋煙盡處紅蓼水邊頭芳草有  
情夕陽無語雁橫南浦人倚西樓玉容知安否香牋共錦  
字兩處悠悠空恨碧雲離合青鳥沈浮向風前懊惱芳心一  
點寸眉兩葉禁甚閒愁情到不堪言處分付東流

晁補之

水龍吟

次韻林聖予惜春

問春何苦怱怱帶風伴雨如馳驟幽葩細萼小園低檻壅培  
未就吹盡繁紅占春長久不如垂柳算春長不老人愁春老



愁只是人間有 春恨十常八九忍輕孤芳醪經口那知自  
是桃花結子不因春瘦世上功名老來風味春歸時候最多  
情猶有尊前青眼相逢依舊

鹽角兒 亳社觀梅

開時似雪謝時似雪花中奇絕香非在蕊香非在萼骨中香  
徹風占溪風畱溪月堪羞損山桃如血直饒更疏疏淡淡終  
有一般情別

憶少年 別歷下

無窮官柳無情畫舸無根行客南山尚相送只高城人隔  
罨畫園林溪紺碧算重來盡成陳迹劉郎鬢如此況桃花顏  
色

洞仙歌 泗州中秋作

青煙冪處碧海飛金鏡  
永夜闌階臥桂影  
露涼時零亂多少  
寒蟬神京遠惟有藍橋路近  
水晶簾不下雲母屏開冷浸  
佳人淡脂粉待都將許多明付與金尊投曉共流霞傾盡更  
攜取胡牀上南樓看玉做人間素秋千頃

晁沖之

臨江仙

憶昔西池池上飲  
年年多歡娛  
別來不寄一行書  
尋常相見了  
猶道不如初  
安穩錦衾今夜夢  
月明好渡江湖  
相思休問定何如  
情知春去後  
管得落花無

舒亶

李六虞美人

芙蓉落盡天涵水日暮滄波起背飛雙燕貼雲寒獨向小樓  
東畔倚闌看蒼浮生只合尊前老雪滿長安道故人早晚上  
高臺寄我江南春色一枝梅

朱黃服

漁家傲

小雨纖纖風細細萬家楊柳青煙裏戀樹溼花飛不起愁無  
際和春付與東流水九十光陰能有幾金龜解盡畱無計  
寄語東陽沽酒市拚一醉而今樂事他年淚

毛

滂

惜分飛

富陽僧舍作別語贈妓瓊芳

淚溼闌干花著露愁到眉峰碧聚此恨平分取更無言語空  
相覷 斷雨殘雲無意緒寂寞朝朝暮暮今夜山深處斷魂  
分付潮回去

陳克

菩薩蠻

赤闌橋盡香街直籠街細柳嬌無力金碧上青空花晴簾影  
紅 黃衫飛白馬日日青樓下醉眼不逢人午香吹暗塵

菩薩蠻

綠蕪牆繞青苔院中庭日淡芭蕉捲胡蝶上階飛烘簾自在  
垂 玉鉤雙語燕寶鴛楊花轉幾處簸錢聲綠窗春睡輕

李元膺

美人

洞仙歌

一年春物惟梅柳間意味最深至鶯花爛漫時則春已衰遲使人無復新意余作洞仙歌

使探春者歌之無後時之悔

雪雲散盡放曉晴庭院楊柳於人便青眼更風流多處一點  
梅心相映遠約略顰輕笑淺未一年春好處不在濃芳小豔  
疏香最嬌軟到清明時候百紫千紅花正亂已失春風一半  
早占取韶光共追游但莫管春寒醉紅自暖

時彥

青門飲

胡馬嘶風漢旗翻雪彤雲又吐一竿殘照古木連空亂山無  
數行盡暮沙衰草星斗橫幽館夜無眠燈花空老霧濃香鴨  
冰凝淚燭霜天難曉長記小妝纔了一杯未盡離懷多少

醉裏秋波夢中朝雨都是醒時煩惱料有牽情處忍思量耳  
邊曾道甚時躍馬歸來認得迎門輕笑

李之儀

謝池春

殘寒消盡疏雨過清明後花徑款餘紅風沼縈新皺乳燕穿  
庭戶飛絮沾襟袖正佳時仍晚晝著人滋味真箇濃如酒  
頻移帶眼空只恁厭厭瘦不見又思量見了還依舊爲問頻  
相見何似長相守天不老人未偶且將此恨分付庭前柳

卜算子

我住長江頭君住長江尾日日思君不見君共飲長江水  
此水幾時休此恨何時已只願君心似我心定不負相思意

周邦彥

瑞龍吟

章臺路。還見褪粉梅梢，試花桃樹。愔愔坊陌人家，定巢燕子，歸來舊處。黯凝竚。因念箇人癡小，乍窺門戶。侵晨淺約宮黃，障風映袖，盈盈笑語。前度劉郎重到，訪鄰尋里，同時歌舞。惟有舊家秋娘，聲價如故。吟牋賦筆，猶記燕臺句。知誰伴、名園露飲，東城閒步。事與孤鴻去。探春盡、是傷離意緒。官柳低金縷。歸騎晚，纖纖池塘飛雨。斷腸院落一簾風絮。

風流子

新綠小池塘。風簾動碎影，舞斜陽。羨金屋去來，舊時巢燕，土花繚繞，前度莓牆。繡閣裏鳳幃深幾許，聽得理絲簧欲說，又

休慮乖芳信未歌先噎愁近清觴遙知新妝了開朱戶應  
自待月西廂最苦夢魂今宵不到伊行問甚時說與佳音密  
耗寄將秦鏡偷換韓香天便教人霎時厮見何妨

卅金燕蘭陵王燕燕所賦紙雨潤風到落一簾風卷

柳陰直煙裏絲絲弄碧隋隄上曾見幾番拂水飄絲送行色  
登臨望故國誰識京華倦客長亭路年去歲來應折柔條過  
千尺風閒尋舊蹤迹又酒趁哀絳燈照離席梨花榆火催寒  
食愁一箭風快半篙波暖回頭迢遞便數驛望人在天北宮  
悽惻恨堆積漸別浦縈回津堠岑寂斜陽冉冉春無極念月  
榭攜手露橋聞笛沈思前事似夢裏淚暗滴

風快  
瑣窗寒



暗柳啼鴉單衣竝立小簾朱戶桐花半畝靜鎖一庭愁雨灑  
空階夜闌未休故人翦燭西窗語似楚江暝宿風燈零亂少  
年羈旅 遲暮嬉游處正店舍無煙禁城百五旗亭喚酒付  
與高陽儔侶想東園桃李自春小昏秀靨今在否到歸時定  
有殘英待客攜尊俎

六醜

薔薇謝後作

正單衣試酒悵客裏光陰虛擲願春暫留春歸如過翼一去  
無迹爲問家何在夜來風雨葬楚宮傾國釵鈿墮處遺香澤  
亂點桃蹊輕翻柳陌多情爲誰追惜但蜂媒蝶使時叩窗隔  
東園岑寂漸蒙籠暗碧靜繞珍叢底成歎息長條故惹行  
客似牽衣待話別情無極殘英小強簪巾幘終不似一朵釵

宋詩三百首卷之一  
三  
頭顛嬾向人，  
敬側漂流處。  
莫趁潮汐恐，  
斷紅尙有。  
相思字，  
何由見得。

夜飛鵲

河橋送人處，  
涼夜何其斜。  
月遠墜餘輝，  
銅盤燭淚已流盡。  
霏涼露沾衣，  
相將散離會。  
探風前津鼓，  
樹杪參旗花。  
驄會意縱揚，  
鞭亦自行遲。  
迢遞路回清野，  
人語漸無聞。  
空帶愁歸，  
何意重經前地。  
遺鈿不見，  
斜徑都迷。  
兔葵燕麥，  
向斜陽欲與人齊。  
但徘徊班草，  
歛歛酹酒，  
極望天西。

滿庭芳

夏日溧水無想山作

風老鶯雛，  
雨肥梅子，  
午陰嘉樹清圓。  
地卑山近，  
衣潤費鑪煙。  
人靜烏鴛自樂，  
小橋外、新綠濺濺。  
憑闌久，  
黃蘆苦竹，  
疑泛九

江船 年年如社燕飄流瀚海來寄修椽且莫思身外長近  
尊前憔悴江南倦客不堪聽急管繁絃歌筵畔先安簟枕容  
我醉時眠

過秦樓

水浴清蟾葉喧涼吹巷陌馬聲初斷閒依露井笑撲流螢惹  
破畫羅輕扇人靜夜久憑闌愁不歸眠立殘更箭歎年華一  
瞬人今千里夢沈書遠 空見說鬢怯瓊梳容消金鏡漸懶  
趁時勻染梅風地溽虹雨苔滋一架舞紅都變誰信無聊爲  
伊才減江淹情傷荀倩但明河影下還看稀星數點

花犯

粉牆低梅花照眼依然舊風味露痕輕綴疑淨洗鉛華無限

佳麗去年勝賞曾孤倚冰盤同燕喜更可惜雪中高樹香篝  
熏素被今年對花最怱怱相逢似有恨依依愁悴吟望久  
青苔上旋看飛墜相將見翠丸薦酒人正在空江煙浪裏但  
夢想一枝瀟灑黃昏斜照水

大酺

對宿煙收春禽靜飛雨時鳴高屋牆頭青玉旆洗鉛霜都盡  
嫩梢相觸潤逼琴絲寒侵枕障蟲網吹黏簾竹郵亭無人處  
聽檐聲不斷困眠初熟奈愁極頻驚夢輕難記自憐幽獨  
行人歸意速最先念流潦妨車轂怎奈向蘭成憔悴衛玠清  
羸等閒時易傷心目未怪平陽客雙淚落笛中哀曲況蕭索  
青蕪國紅糝鋪地門外荆桃如菽夜游共誰秉燭

解語花 上元

風消燄蠟露晞烘鑪花市光相射桂華流瓦纖雲散耿耿素  
娥欲下衣裳淡雅看楚女纖腰一把簫鼓喧人影參差滿路  
飄香麝 因念都城放夜望千門如晝嬉笑游冶鈿車羅帕  
相逢處自有暗塵隨馬年光是也惟只見舊情衰謝清漏移  
飛蓋歸來從舞休歌罷

定風波

莫倚能歌歛黛眉此歌能有幾人知他日相逢花月底重理  
好聲須記得來時 苦恨城頭傳漏水催起無情豈解惜分  
飛休訴金尊推玉臂從醉明朝有酒倩誰持

蝶戀花

宋詞三百首卷之一  
三  
月皎驚鳥棲不定更漏將闌轆轤牽金井喚起兩眸清炯炯  
淚花落枕紅絲冷執手霜風吹鬢影去意徊徨別語愁難  
聽樓上闌干橫斗柄露寒人遠雞相應

解連環

怨懷無託嗟情人斷絕信音遼邈縱妙手能解連環似風散  
雨收霧輕雲薄燕子樓空暗塵鎖一牀絳索想移根換葉盡  
是舊時手種紅藥汀洲漸生杜若料舟依岸曲人在天角  
漫記得當日音書把閒語閒言待總燒卻水驛春回望寄我  
江南梅萼拚今生對花對酒爲伊淚落

拜星月慢

夜色催更清塵收露小曲幽坊月暗竹檻燈窗識秋娘庭院

笑相遇似覺瓊枝玉樹相倚暖日明霞光爛水盼蘭情總平生稀見  
畫圖中舊識春風面誰知道自到瑤臺畔眷戀雨  
潤雲溫苦驚風吹散念荒寒寄宿無人館重門閉敗壁秋蟲  
歎怎奈向一縷相思隔溪山不斷

關河令

秋陰時晴漸向暝變一庭淒冷竝聽寒聲雲深無雁影更  
深入去寂靜但照壁孤燈相映酒已都醒如何消夜永

綺寮怨

上馬人扶殘醉曉風吹未醒映水曲翠瓦朱檐垂楊裏乍見  
津亭當時曾題敗壁蛛絲罩淡墨苔暈青念去來歲月如流  
徘徊久歎息愁思盈去去倦尋路程江陵舊事何曾再問

楊瓊舊曲淒清斂愁黛與誰聽尊前故人如在想念我最關  
情何須渭城歌聲未盡處先淚零

尉遲杯

隋隄路漸日晚密靄生煙樹陰陰淡月籠沙還宿河橋深處  
無情畫舸都不管煙波隔前浦等行人醉擁重衾載將離恨  
歸去因思舊客京華長俚傍疏林小檻歡聚冶葉倡條俱  
相識仍慣見珠歌翠舞如今向漁村水驛夜如歲焚香獨自  
語有何人念我無聊夢魂凝想鴛侶

西河

金陵懷古

佳麗地南朝盛事誰記山圍故國繞清江髻鬟對起怒濤寂  
寞打孤城風檣遙度天際斷崖樹猶倒倚莫愁艇子誰繫



空餘舊迹鬱蒼蒼霧沈半壘夜深月過女牆來傷心東望淮  
水酒旗戲鼓甚處市想依稀王謝鄰里燕子不知何世向  
尋常巷陌人家相對如說興亡斜陽裏

瑞鶴仙

悄郊原帶郭行路永客去車塵漠漠斜陽映山落斂餘紅猶  
戀孤城闌角淩波步弱過短亭何用素約有流鶯勸我重解  
繡鞍緩引春酌不記歸時早暮上馬誰扶醒眠朱閣驚颿  
動幕扶殘醉繞紅藥歎西園已是花深無地東風何事又惡  
任流光過卻猶喜洞天自樂

浪淘沙慢

晝陰重霜凋岸草霧隱城堞南陌脂車待發東門帳飲乍闕

正拂面垂楊堪攬結掩紅淚玉手親折念漢浦離鴻去何許  
經時信音絕情切望中地遠天闊向露冷風清無人處耿  
耿寒漏咽嗟萬事難忘惟是輕別翠尊未竭憑斷雲留取西  
樓殘月羅帶光消紋衾疊連環解舊香頓歇怨歌永瓊壺  
敲盡缺恨春去不與人期弄夜色空餘滿地梨花雪

應天長

條風布暖霏霧弄晴池臺徧滿春色正是夜堂無月沈沈暗  
寒食梁間燕前社客似笑我閉門愁寂亂花過隔院芸香滿  
地狼藉長記那回時邂逅相逢郊外駐油壁又見漢宮傳  
燭飛煙五侯宅青青草迷路陌強載酒細尋前迹市橋遠柳  
下人家猶自相識

夜游宮

葉下斜陽照水捲輕浪沈沈千里橋上酸風射眸子立多時  
看黃昏燈火市 古屋寒窗底聽幾片井桐飛墜不戀單衾  
再三起有誰知爲蕭娘書一紙

賀鑄

更漏子

上東門門外柳贈別每煩纖手一葉落幾番秋江南獨倚樓  
曲闌干凝竚久薄暮更堪搔首無際恨見閒愁侵尋天盡  
頭

青玉案

凌波不過橫塘路但日送芳塵去錦瑟華年誰與度月橋花

院瑣窗朱戶只有春知處  
飛雲冉冉蘅皋暮彩筆新題斷  
腸句試問閒愁都幾許一川煙草滿城風絮梅子黃時雨

感皇恩

蘭芷滿汀洲游絲橫路羅襪塵生步迎顧整鬟顰黛脈脈兩  
情難語細風吹柳絮人南渡回首舊游山無重數花底深  
朱戶何處半黃梅子向晚一簾疏雨斷魂分付與春將去

薄倖

淡妝多態更的的頻回眄便認得琴心先許欲縮合歡雙  
帶記畫堂風月逢迎輕顰淺笑嬌無奈向睡鴨鑪邊翔鴛屏  
裏羞把香羅暗解自過了燒燈後都不見踏青挑菜幾回  
憑雙燕丁甯深意往來卻恨重簾礙約何時再正春濃酒困

人間畫水無聊賴，厭厭睡起猶有花梢日在。

浣溪沙

不信芳春厭老人，老人幾度送餘春。惜春行樂莫辭頻。  
巧笑豔歌皆我意，惱花顛酒拚君。曠物情惟有醉中真。

浣溪沙

樓角初消一縷霞，淡黃楊柳暗棲鴉。玉人和月摘梅花。  
笑攖粉香歸洞戶，更垂簾幕護窗紗。東風寒似夜來些。

石州慢

薄雨收寒，斜照弄晴，春意空闊。長亭柳色纔黃，倚馬何人先  
折。煙橫水漫，映帶幾點歸鴻，平沙消盡龍荒雪。猶記出關來，  
恰如今時節。將發畫樓芳酒，紅淚清歌，便成輕別。回首經

年杳杳音塵都絕欲知方寸共有幾許新愁芭蕉不展丁香  
結憔悴一天涯兩厭厭風月

蝶戀花

幾許傷春春復暮楊柳清陰偏礙游絲度天際小山桃葉步  
白蘋花滿湔裙處垂竟日微吟長短句簾影燈昏心寄胡琴  
語數點雨聲風約住矇朧淡月雲來去

天門謠

牛渚天門險限南北七雄豪占清霧斂與閒人登覽待月  
上潮平波盪盪塞管輕吹新阿濫風滿檻歷歷數西州更點

天香

煙絡橫林山沈遠照邈地黃昏鐘鼓燭映簾龔蛩催機杼共

苦清秋風露不眠思婦齊應和幾聲砧杵驚動天涯倦宦駭  
駭歲華行暮 當年酒狂自負謂東君以春相付流浪征驂  
北道客檣南浦幽恨無人晤語賴明月曾知舊游處好伴雲  
來還將夢去

望湘人

厭鶯聲到枕花氣動簾醉魂愁夢相半被惜餘薰帶驚顰眼  
幾許傷春春晚淚竹痕鮮佩蘭香老湘天濃暖記小江風月  
佳時屢約非煙游伴 須信鸞絳易斷奈雲和再鼓曲中人  
遠認羅襪無蹤舊處弄波清淺青翰棹檣白蘋洲畔儘目臨  
臯飛觀不解寄一字相思幸有歸來雙燕

綠頭鴨

玉人家畫樓珠箔臨津託微風彩簫流怨斷腸馬上曾聞宴  
堂開豔妝叢裏調琴思認歌顰麝蠟煙濃玉蓮漏短更衣不  
待酒初醺繡屏掩枕鴛相就香氣漸暎暎回廊影疏鐘淡月  
幾許消魂翠釵分銀牋封淚舞鞦從此生塵住蘭舟載將  
離恨轉南浦背西曛記取明年薔薇謝後佳期應未誤行雲  
鳳城遠楚梅香嫩先寄一枝春青門外祇憑芳草尋訪郎君

張元幹

石州慢

寒水依痕春意漸回沙際煙闊溪梅晴照生香冷蕊數枝爭  
發天涯舊恨試看幾許消魂長亭門外山重疊不盡眼中青  
是愁來時節情切畫樓深閉想見東風暗消肌雪孤負枕



前雲雨尊前花月心期切處更有多少淒涼殷勤留與歸時  
說到得再相逢恰經年離別

蘭陵王

捲珠箔朝雨輕陰乍閣闌干外煙柳弄晴芳草侵階映紅藥  
東風妒花惡吹落梢頭嫩萼屏山掩沈水倦熏中酒心情怯  
杯勺 尋思舊京洛正年少疏狂歌笑迷著障泥油壁催梳  
掠曾馳道同載上林攜手燈夜初過早共約又爭信飄泊  
寂寞念行樂甚粉淡衣襟音斷絃索瓊枝璧月春如昨悵別  
後華表那回雙鶴相思除是向醉裏暫忘卻

葉夢得

賀新郎

宋詞三百首卷之一  
睡起流鶯語掩蒼苔房櫳向晚亂紅無數吹盡殘花無人見  
惟有垂楊自舞漸暖靄初回輕暑寶扇重尋明月影暗塵侵  
上有乘鸞女驚舊恨遽如許 江南夢斷橫江渚浪黏天蒲  
萄漲綠半空煙雨無限樓前滄波意誰采蘋花寄取但悵望  
蘭舟容與萬里雲帆何時到送孤鴻目斷千山阻誰爲我唱  
金縷

虞美人

雨後同幹譽才卿置酒來禽花下作

落花已作風前舞又送黃昏雨曉來庭院半殘紅惟有游絲  
千丈嫋晴空 殷勤花下同攜手更盡杯中酒美人不用斂  
蛾眉我亦多情無奈酒闌時

汪藻

點絳脣

新月娟娟夜寒江靜山銜斗起來搔首梅影橫窗瘦  
好箇  
霜天閒卻傳杯手君知否亂鴉啼後歸興濃如酒

劉一止

喜遷鶯

曉行

曉光催角聽宿鳥未驚鄰雞先覺迤邐煙村馬嘶人起殘月  
尙穿林薄淚痕帶霜微凝酒力衝寒猶弱歎倦客悄不禁重  
染風塵京洛 追念人別後心事萬重難覓孤鴻託翠幌嬌  
深曲屏香暖爭念歲華飄泊怨月恨花煩惱不是不曾經著  
者情味望一成消滅新來還惡

韓 轆

高陽臺 除夜

頻聽銀籤重然絳蠟年華袞袞驚心錢舊迎新能消幾刻光  
陰老來可慣通宵飲待不眠還怕寒侵掩清尊多謝梅花伴  
我微吟鄰娃已試春妝了更蜂腰簇翠燕股橫金句引東  
風也知芳思難禁朱顏那有年年好逞豔游羸取如今恣登  
臨殘雪樓臺遲日園林

李 邴

漢宮春

瀟灑江梅向竹梢疏處橫兩三枝東君也不愛惜雪壓霜欺  
無情燕子怕春寒輕失花期卻是有年年塞雁歸來曾見開  
時 清淺小溪如練問玉堂何似茅舍疏籬傷心人去後

冷落新詩微雲淡月對江天分付他誰空自憶清香未減風  
流不在人知

陳與義

臨江仙

高詠楚詞酬午日天涯節序怱怱榴花不似舞裙紅無人知  
此意歌罷滿簾風萬事一身傷老矣戎葵凝笑牆東酒杯  
深淺去年同試澆橋下水今夕到湘中

臨江仙

夜登小閣憶洛中舊游

憶昔午橋橋上飲坐中多是豪英長溝流月去無聲杏花疏  
影裏吹笛到天明二十餘年如一夢此身雖在堪驚閒登  
小閣看新晴古今多少事漁唱起三更

蔡伸

蘇武慢

雁落平沙煙籠寒水古壘鳴笳聲斷青山隱隱敗葉蕭蕭天際  
暝鴉零亂樓上黃昏片帆千里歸程年華將晚望碧雲空  
暮佳人何處夢魂俱遠憶舊游邃館朱扉小園香徑尙想  
桃花人面書盈錦軸恨滿金徽難寫寸心幽怨兩地離愁一  
尊芳酒淒涼危闌倚徧儘遲留憑仗西風吹乾淚眼

柳梢青

數聲鶉鴉可憐又是春歸時節滿院東風海棠銷繡梨花飄  
雪丁香露泣殘枝算未比愁腸寸結自是休文多情多感  
不干風月

宋詞三百首卷之一終